

Socijalistička Republika Bosna i Hercegovina  
OPŠTINA PRNJAVOR  
OPŠINSKI ŠTAB TERITORIJALNE ODBRANE PRNJAVOR  
Pov.broj: 06/144-3-35  
od 27.12.1991.god.

V O J N A T A J N A

P O V J E R L J I V O

Komandantu Odreda teritorijalne odbrane  
Prnjavor

obavještenje  
dostavlja se,

Na osnovu Naredjenja komande 5.Korpusa pov.br. 10-144 od 17.12.1991.godine, sanitetsko zbrinjavanje jedinica JNA /TO/ u zoni odgovornosti 5.Korpusa regulisano je na sljedeći način:

1.Primarna zdravstvena zaštita vojnih lica /vojnika i starješina/ vrši se na nivou bataljona, odreda TO i brigade, odnosno u sanitetskoj četi, gdje se pruža odgovarajući vid opšte i sužen obim specijalističke pomoći. Izuzetno u hitnim slučajevima vojno lice se može javiti u najbližu u najbližu zdravstvenu ustanovu, gdje se pruža samo obim neophodne pomoći. Specijalistički nivo zdravstvene zaštite p/o mogu dobiti u vojno-zdravstvenim ustanovama i civilnim zdravstvenim ustanovama u zoni odgovornosti 5.korpusa, samo sa uputnicom ljekara matične jedinice.

Supspecijalističku pomoć p/o ostvaruju u VMA Beograd ili u drugim vojnim i civilnim bolnicama na osnovu uputa ljekara specijaliste odgovarajuće grane medicine.

2.Na ljekarski pregled pripadnik OS dolazi sa vojnom legitimacijom u kojoj je upisana jedinica kojoj imenovani pripada i ličnom kartom. Aktivne starješine i vojnici na odsluženju vojnog roka na ljekarski pregled dolaze sa zdravstvenom knjižicom.

3.Poštedu v/o daje ljekar matične jedinice licima kojima nije potrebno stacionarno liječenje, kao i onima koje poslije liječenja treba poštedjeti od određenih napora. Poštedom se lice oslobadja odredjenih dužnosti u službi, a obavezno se naznačuje koje su to dužnosti.

4.Bolovanje vojnom licu do 30 dana odobrava ljekar uz obavještenje komandantu matične jedinice, a ako je potrebno duže bolovanje, upućuje ga na NVLK. Vojno lice se poslije isteka bolovanja javlja nadležnom ljekaru, koji mu zaključuje bolovanje ili ga šalje na NVLK. Specijalisti iz vojno-zdravstvenih ustanova daju samo prijedlog za bolovanje vojnom licu, a ljekar jedinice odobrava ili odbija ovaj prijedlog. Lice kome je odobreno bolovanje obavezno je da se javi svom prepostavljenom starješini koji evidentira podatke o licu i vremenu bolovanja.

5.Vojno lice se upućuje na NVLK radi:

- osjećene sposobnosti za vojnu službu,
- davanje bolovanja preko trideset dana,
- i radi ponovnog pregleda, kada je sposobnost za rad ocijenio, odn bolovanje odobrio ljekar pojedinac.

Na pregled i ocjenu NVLK p/o se upućuje sa propisnom uputnicom ljekara matične jedinice, a ako se radi o zadobijenoj povredi, i sa izvještajem o povredjivanju. NVLK su obavezne da treći primjerak svog rješenja proslijede jedinici čiji je pripadnik bio na komisiji.

U svom rješenju NVLK su obavezne da unesu podatak kad je povredjivanje ili bolest nastala i dali je služba u JNA uticala na nastanak ovog stanja.

6.Starješina jedinice je dužan da o svakom povrijedjenom pripadniku svoje jedinice oformi izvještaj o povredi - ranjavanju. U izvještaju se unose lični podaci povrijedjenog, mjesto i vrijeme i uzrok povredjivanja, kao i kratak opis povrede. Ljekar matične jedinice je dužan napisati dijagnozu na latinskom i narodnom jeziku i uz komandanta se potpisati na ovom izvještaju.

Ovaj izvještaj obavezno proslijediti zajedno sa uputnicom na NVLK, radi ocjenjivanja sposobnosti za službu u OS /JNA - TO/ .

7.Svim povrijedjenim pripadnicima OS odmah nakon pružanja neophodnog obima medicinske pomoći u bataljonu - odredu ili brigadi obavezno oformiti ili popuniti

ranjeničku kartu.Za izvršenje ovog zadatka odgovorni su ljekari,medicinski tehničari i komande jedinica.Nakon formiranja ranjeničke karte ista se popunjava na svim narednim etapama sanitetskog zbrinjavanja,shodno pruženoj medicinskoj pomoći.



Načelnik SnSl  
potporučnik  
Lončarević dr Zoran